



Projekat finansira
Evropska unija



LOKALNA PARTNERSTVA
ZA ZAPOSŁJAVANJE
U BOSNI I HERCEGOVINI



Međunarodna
organizacija
rada

Javni poziv nezaposlenim osobama za pohađanje obuka po programima osposobljavanja

Razvojna agencija Žepče, u ime Lokalnog partnerstva za zapošljavanje ZDK, poziva nezaposlene osobe na evidenciji Zavoda za zapošljavanje ZDK da se prijave za sudjelovanje u projektu „T4E (Training for employer) – Obuka za potrebe poslodavca“, koji je financiran od strane Evropske unije, a provodi se u okviru druge faze projekta „Podrška Evropske unije lokalnim partnerstvima za zapošljavanje – Faza II“ (LEP II) koji implementira Međunarodna organizacija rada u BiH.

1. Predmet javnog poziva

Predmet javnog poziva je izbor polaznika/ca za pohađanje obuka izvedenih po programima osposobljavanja.

Sve obuke će biti izvedene po akreditiranim programima osposobljavanja, što uključuje teorijski i praktični dio i potpuno su **besplatne za sve polaznike**.

Obuke će biti organizirane i provedene u Žepču, u Centru poslovnih kompetencija Žepče. Ukoliko dođe do promjene mjesta održavanja obuke, kandidati/kinje će biti informirani na vrijeme.

Vrijeme početka svake od obuka ovisi od intenziteta popunjavanja grupa. Planirano trajanje obuka je 120 školskih sati u periodu lipanj/juni. Svi izabrani polaznici/e će biti na vrijeme informirani o mjestu i vremenu održavanja obuke.

Polaznici/e koji uspješno završe obuku i stručno osposobljavanje će dobiti **akreditirano uvjerenje/certifikat** koji izdaje partner na projektu „Centar za obrazovanje odraslih EDUKA BH“, te će im od strane partnera na projektu biti pružena aktivna pomoć u pronalasku zaposlenja.

2. Obuke

Nezaposlene osobe se mogu prijaviti za pohađanje sljedećih programa osposobljavanja:

1. Obuka „Održavanje CNC mašina/strojeva“

Obuka je kreirana i definirana na osnovu istraživanja interesa nezaposlenih osoba i potreba poduzeća sa područja općina Žepče, Zavidovići, Maglaj i Usora.

Za polaznike sa općina Usora i Maglaj će biti pokriveni troškovi prijevoza u visini mjesečne karte. Za vrijeme trajanja obuke, osigurano je osvježanje za sve polaznike.

Nakon uspješno završene obuke, polaznik/ca će biti u stanju da:

- Poznaje i primjenjuje mjere zaštite na radu i sigurnosne mjere propisane pravilnikom i u skladu sa zahtjevima radnog zadatka,
- Poznaje osnove protupožarne zaštite,
- Prepoznaje mjesta ili prostore koji su opasne zone u CNC prostorima gdje može doći do povrede,
- Poznaje najčešće uzroke i posljedice nesretnih slučajeva u CNC radionicama,
- Poznaje postupak pružanja prve pomoći pri povredama na radu,

- Objasniti osnovne pojmove o organizaciji održavanja mašina,
- Razlikuje sisteme održavanja,
- Navede dokumentaciju održavanja,
- Imenuje osnovne elemente i sklopove alatnih mašina,
- Pokaže održavanje alatnih mašina prema uputama za održavanje,
- Objasni zadatke čišćenja i podmazivanja mašina i pokazati podmazivanje mašina po uputama za podmazivanje,
- Objasni dozvoljena odstupanja alatnih mašina,
- Pokaže provjeru točnosti pomicanja dijelova CNC mašina kojima se programira kretanje,
- Objasni osnovne pojmove iz elektrotehnike, pokazati učinke električne struje, razlikovati električne mašine i provesti mjere zaštite od električne struje.

3. Uvjeti sudjelovanja

Svi polaznici/e prilikom prijave na javni poziv moraju ispuniti sljedeće opće uvjete:

- Da imaju navršениh 18 godina starosti,
- Minimalno završenu srednju školu (III stupanj)
- Da su **nezaposlene osobe** registrirane na **evidenciji JU Služba za zapošljavanje Zeničko-dobojskog kantona**.

4. Izbor kandidata

Izbor polaznika/ca će se vršiti do popune raspoloživih mjesta za obuke predviđenih Projektom, odnosno do izbora 17 nezaposlenih osoba.

Prilikom obrade prijave, prednost ali ne i uvjet, imat će nezaposlene osobe prijavljene na evidenciji Biroa za zapošljavanje Žepče, Zavidovići, Maglaj i Usora, žene, mladi (mlađi od 30 godina), nezaposleni koji su registrirani u evidenciji zavoda za zapošljavanje duže od 12 mjeseci i lica sa invaliditetom.

5. Način prijave

Nezaposlene osobe, koje žele pohađati program stručnog osposobljavanja dužne su u predviđenom roku dostaviti sljedeće:

1. **Popunjen Obrazac za prijavu (Prilog 1. ovog Javnog poziva).**
2. **Uvjerenje kojim se dokazuje status nezaposlene osobe, izdano od nadležnog Biroa za zapošljavanje.**

Napomena: U postupku izbora polaznika/ca, biti će provjereno da li zainteresirani/a ima status nezaposlene osobe, a na osnovu uvida u evidenciju JU Služba za zapošljavanje Zeničko-dobojskog kantona, te se može zahtijevati dodatna dokumentacija kojom se dokazuju ispunjavanje uvjeta polaznika/ce za pohađanje obuke.

6. Rok za podnošenje zahtjeva za učešće u obuci

Rok za dostavljanje prijave po ovom Javnom pozivu je otvoren **do 31.05.2023. godine**.

7. Način prijave i rezultati Javnog poziva

Nezaposlene osobe sa evidencije JU Služba za zapošljavanje Zeničko-dobojskog kantona koje žele sudjelovati u ovom Javnom pozivu, prijavu predaju na jedan od sljedećih načina:

- E-mailom poslati skeniran ili uslikan Obrazac za prijavu na razepce@gmail.com i uvjerenje o nezaposlenosti
- Putem pošte ili osobno na adresu: Razvojna agencija Žepče, Ulica Prva bb, 72230 Žepče.

Polaznici/e koji budu odabrani za sudjelovanje na obukama će biti kontaktirani putem e-mail adrese koju navedu u prijavnom obrascu.

8. Dodatne informacije

Dodatne informacije po ovom javnom pozivu mogu se dobiti u Razvojnoj agenciji Žepče na adresu Ulica Prva bb, 72230 Žepče ili putem e-mail-a na razepce@gmail.com. Kontakt osoba Jugoslav Sarajlić.

9. O projektu

Projekt „T4E (Training for employer) – Obuka za potrebe poslodavca“ implementira Lokalno partnerstvo za zapošljavanje ZDK koga čine: Razvojna agencija Žepče d.o.o. (RAŽ), JU Služba za zapošljavanje Zeničko-dobojskog kantona, Općina Žepče, Grad Zavidovići, Općina Usora, Saga d.o.o. Žepče, Stolarija Šimić d.o.o. Žepče, Prlić d.o.o. Žepče, Jifeng d.o.o. Žepče, Bontex d.o.o. Maglaj, Ustanova za stručno obrazovanje odraslih „WMTA“ Banja Luka Centar za obrazovanje odraslih „EDUKA BH“ Tešanj, Regionalna razvojna agencija za regiju Centralna BiH – REZ Zenica, Udruga poslodavaca Usora, Drvni klaster „Namještaj i drvo“ Sarajevo.

Opći cilj projekta je doprinijeti povećanju društvene kohezije kroz aktiviranje i integraciju nezaposlenih osoba na tržište rada putem uspostave održivih institucionalnih mehanizama koordinacije rada lokalnih aktera za tržište rada i programa obuka koji korespondiraju potrebama lokalnog tržišta rada.

Lokalno partnerstvo za zapošljavanje ZDK je jedno od 20 uspostavljenih u zemlji u okviru LEP II projekta, koji financira Europska unija, a realizira Međunarodna organizacija u BiH, a koji ima za cilj da doprinese poboljšanju prilika zapošljavanja u lokalnim zajednicama dajući podršku razvoju lokalnih partnerstava za zapošljavanje kao partnerski uspostavljenih mehanizama za tržište rada koji osiguravaju pristup formalnom zapošljavanju na lokalnom nivou, unaprjeđuju vještine i stvaraju prilike za zapošljavanje osoba u nepovoljnom položaju na tržištu rada.

Za više informacija o projektu LEP II, posjetite www.partnerstvo.ba i kanale društvenih mreža ([Instagram](#), [Facebook](#), [Twitter](#) i [YouTube](#)).